



**Quæstionum Canonicarum, In Quinque Libros  
Decretalium, Tomus ...**

In Librum I. Decretalium, Per quadraginta, & tres Titulos distributum, in  
quo agitur De Constitutionibus, Seu Legibus universim ...

**Krimer, Ferdinand**

**Augustæ Vindelicorum, 1706**

§. I. An quilibet Superior secundumdispensare possit?

---

[urn:nbn:de:hbz:466:1-73031](#)

stantijs, sub quibus sunt sub jure naturali, id quod præceptum est, nequit fieri non præceptum; & quod prohibitum, fieri non prohibitum; quod tamen evenire deberet, si cadere posset sub dispensationem. Et ideo, cùm dicitur: *quilibet Legislator in lege sua dispensare potest vel per se, vel per alium, ad summum obtiner in lege positiva, sed non necessaria, seu naturali, de quo plura V. l. 4. decret. à n. 2015.*

**1102.** Quæstio est 2. *an in jus positivum divinum cadere possit dispensatio?* de dispensatione, quam facit ipse Deus, vel alias ejus nomine, non est dubium; sed difficultas est, an alicui hominum Deus communicaverit potestatem, suo (nimurum Dei) nomine, dispensandi in jure divino positivo? plures tenere affirmativam diximus *l. 4. n. 2020.* probabiliorem tamen ibidem *n. 2021.* diximus negativam, nisi in casu pro quo habetur Dei revelatio, vel Ecclesiæ authoritas, pro tali concessione summo Pontifici facta. Cujus probationem, & contrariorum solutionem dedimus *loc. cit.* à n. n. jam citato.

### §. III.

*An, & qualiter Legislator dispensare possit in legibus à se conditis? aut inferior in lege Superioris?*

**1103.** De hac quæstione plura dedimus lib. 4. decret. ubi ad 1. quæstionem respondimus, posse, nisi affectæ sint majori vinculō, ut ibidem exposuimus à n. 2030. ubi etiam retulimus casus, pro quibus ea potestas limitatur. Ad 2. quæstionem respondent aliqui, posse inferiorem dispensare in lege Superioris *non reservata, quoties ei non est interdictum;* sed *l. 4. à n. 2034.* tanquam probabilius amplexi sumus, id inferiorem non posse, nisi expressè, vel tacite illi concessum sit à Superiori; ubi pariter hujus opinionis attulimus probationes, & contrariorum solutionem. Quando autem censeatur inferiori tacite concessum, ut dispensare valeat in lege Superioris, ibidem attulimus à n. 2038. quid verò possit inferior in lege Superioris in dubio, vel casu urgentis necessitatis? constat ex dict. *ibid.*

à n. 2043.

## ARTICULUS XVIII.

*De passiva dispensatione legis.*

**Q**uestio est, circa quos potestas dispensandi exerceri possit? communis responsio est, eam exerceri circa subditum. Nam actus dispensationis, seu exemptionis ab obligatione legis, non minus est actus jurisdictionis, quam condere legem, & obligationem, lege inducta, imponere; eo ipso autem importat in ferente legem, vel dispensante superioritatem, & in obligando, vel dispensando subjectionem. Difficultas est, an quilibet possit se subjecere, seu inducere in se subjectionem, ut vi ejus ab illo, cui se subjecit, relaxari, aut dispensari possit in lege?

### §. I.

*An quilibet Superior secum dispensare posset?*

**Q**uestio est 1. *an secum dispensare possit in lege propria?* hæc quæstio pendet ab ista, *an Legislator ligetur legibus à se conditis?* Ad hanc quæstionem respondimus superius à n. 551. ubi diximus Legislatorem non ligari suis legibus quoad vim coactivam, sed solum directivam, non in vi talis legis, sed in vi circumstantiæ, qua posita subintret jus naturæ, adstringens illum gubernare subditos etiam exempli. Ex hoc responderetur, posse Superiorum dispensare secum solum indirectè in lege propria, tollendò scilicet illi comprehensionem suæ personæ (hoc enim pendet ab ejus voluntate) consequenter faciendò, ne sublatâ circumstantiâ, à qua pendet, lex naturæ subintret.

Quæstio est 2. *an Superior secum dispensare possit in lege Superioris, super his, in quibus potest cum subditis, ex potestate sibi, & officio suo à Superiori commissa?* & posse, nisi expressè prohibetur. Hanc potestatem Superior subordinato non tantum quoad suos subditos, sed etiam quoad suam personam concedere potuit; & sic factum esse, ubi non est expressa prohibitio, rationabiliter suadetur ex eo, ne Superioris deterioris conditionis dicantur, quam subditi; ita Sanchez l. 8. matr. D. 3. n. 9. Suarez l. 6. de legib. c. 12. n. 12.

n. 12. &c alij. Hanc doctrinam cum citatis Authoribus Castropalaus P. 1. tr. 3. D. 6. p. 7. §. 1. n. 3. extendit ad Praelatos Regulares, cuiusmodi sunt Generales, Provinciales, Piores, Rectores, Vice-Rectores, & qui illorum vices in absentia gerunt; eò quòd hi omnes, in suos subditos jurisdictionem habeant quasi Episcopalem, subjugens, hanc esse expressam sententiam D. Thomæ 2. 2. q. 185. a. 8. Et ratio est, quia nullo jure cautum est, ne Superior secum dispenset in his, in quibus potest cum subditis, quando id expresse illi non est prohibitum.

Dices: nemo in se ipsum potest jurisdictionem exercere, & sibi ipsi subjici; at dispensatio est actus jurisdictionis; ergo. maj. prob. 1. ex c. *Per nostras, de jure patronatū*. ibi: nullus se in gerere debet Ecclesiasticae prælationis officiis. 2. ex c. fin. de *Institutionibus*, ubi dicitur, quòd, qui beneficium conferre potest, non posset se ipsum instituere, cùm inter dantem, & accipientem debeat esse distinctio personarum. 3. ex Clement. II. de reb. Eccles. non alienand. ubi valet unio facta alteri Ecclesie de consensu Episcopi, & Capituli; non autem facta *ipso Capitulo*, eò quòd in propria causa nemo sibi jus dicere possit. 4. denique quia nec tutor in rem suam author fieri potest, ut dicitur L. 1. ff. de authorit. & consensu tutor. 5. denique, quia alias secum dispensare posset in censuris à se contractis.

1108. Ante responsonem not. nos non dicere *indefinitè*, Superiorē posse omnia circa se, quæ potest circa subditos suos, sed solum, ipsum posse dispensare secum in lege Superioris, in qua potest cum suis subditis, quod etiam extenditur ad vota, & juramenta, propter eandem rationem, quam attulimus n. 1106. Not. 2. jurisdictionem esse multiplicem; unam contentiosam, de qua n. 98. & hæc porrigitur ad diversos actus, à quibus denominatur, qualis est *legislativa, coactiva, judicialis* inter partes, decidendō causas, ferendō sententiam condemnatoriam, vel absolvitoriam &c. quibus positis: Resp. ad object. cum dist. maj. nemo in se ipsum potest jurisdictionem contentiosam exercere, C. maj. voluntariam, N. maj. universaliter; dist. min. sed dispensatio in lege, voto, vel juramento, est actus jurisdictionis voluntariæ, C. min. contentiose, N. min. & conseq. dixi N. maj. universaliter; quia concedo, quòd nemo in se ipsum exercere possit jurisdictionē etiam voluntariam, quando materia est ambitiosa, & fraudibus subiecta, cuiusmodi sunt easus, de quibus procedunt jura pro majoris probatio- ne allata, ut mox dicemus. Quare

Ad c. *Per nostras, de jure patronatū*. 1109.  
R. verum esse, quòd actus præsentationis, qui competit Patrono, sit actus jurisdictionis voluntariæ; & tamen nullus se præsentare possit ad personatum alicujus Ecclesiæ, quantumcunque idoneus sit, & qui buscunque studijs, & meritis adjuvetur, ut expresse dicitur in texu c. cit. sed hoc nihil est contra id, quod assertimus. Nam 1. actus hic prohibitus non est dispensatio in lege, de qua procedit conclusio nostra. 2. quia casus hujus capituli est in materia ambitiosa, ut expresse notat gloss. in cit. c. V. *Ingerere*, quæ intervenit in immodico appetitu honoris, potestatis, vel dignitatis, non attendendō ad alios; cui sape miscetur cupiditas, quæ est in lucris terrenis, ut notat Pereyra in *Elucid.* n. 1524.

Ex hoc sequitur, cùm in ejusmodi materia, ad exercitium jurisdictionis voluntariæ Ecclesia petiat realem distinctionem personarum dantis, & accipientis; id non esse ex natura rei, cùm in multis sufficiat distinctio juridica, qualis fuit in Christo satisfacente pro peccatis nostris Deo; idem enim Christus erat, qui satisfecit, quatenus voluntarie in se suscepit onus solvendi debitum ex offensa Dei contrahit ab hominibus; & simul fuit is, cui satisfactio dari debuit, nempe Deus: sed solum esse constitutione Ecclesiæ, cavere volentis ambitionem, & terrenorum cupiditatem, prout colligitur ex c. in scripturis, 8. q. 1. & c. *Si is, qui*, 1. q. 6.

Ad c. fin. de *Institut.* R. C., quod ibi dicitur, *Custodem*, postquam electus fuit ad Abbatiam tunc vacantem, non potuisse de jure retinere *custodiā*; causam reddit in texu Pontifex; quia donare *custodiā*, seu officium custodis in ea Ecclesia pertinebat ad ipsum Abbatem, quo casu si Custos, factus Abbas, adhuc retinueret custodiā, idem sibi ipsi donasset, quod fieri non potest; unde factum, quòd in tali ca- su requiratur inter donantem, & accipi- entem distinctio personalis.

1112.

Responderi etiam potest cum Abbatे in cit. c. *Ad nostras*, n. 5. & c. *Ex literis*, de probat. à n. 11. assignatam à Pontifice rationem in hoc textu, quod debeat esse personalis distinctione inter dantem, & accipientem, non esse generaliter accipientem; sed tantum in ea materia beneficiorum; cùm non sit conveniens, ut Prælatus, beneficiorum distributor, sibi ipsi conferat, tum ad cavendam terreni lucri cupiditatem; tum beneficiorum in una persona pluralitatem; cùm per hoc divinus cultus diminuatur. Eandem solutionem habet id, quod adducitur ex cit. Clem. II. & L. 1. loquitur enim solum in certa, non autem ea materia, de qua in præfens quæstio est. Ad hoc autem, quod in fine obiect. n. 1107. dicitur, sequi, quod Superior valens subditos suos liberare à censuris, etiam posset se ipsum. R. N. seq. nam censuræ tolli non possunt nisi absolutione; absolutio autem est quædam sententia, & actus jurisdictionis contentiose, quæ non exercetur in se ipsum, sed in alium; nemo enim à se ipso cogi, sententiari, absolvi, aut condemnari potest.

1113.

Instabis: ergo saltem se absolvere poterit ab irregularitate, depositione, & alijs inhabilitatibus, à quibus potest suos subditos. R. cum distinctione, & concedo illatum, quando ea, de quibus loquitur, sunt ab ipso jure non præcisè ad Prælatos restrictæ; non autem, quando sunt per sententiam ab homine, vel à jure tantum pro Prælatis. Ratio primi est, quia altior Superior potuit subordinato committere vices suas, ut cum suis subditis, & secum ipso dispensem in omnibus pœnis, & irregularitatibus, quæ sunt à jure communiter, hoc est, non præcisè ad Prælatos restrictæ; & ne deterior sit subditis, sic concessè merito præsumitur. Ratio secundi est, quia præsumi non potest potestas Prælatis ab altiori Superiori commissa, quod Prælatus immediate, aut mediately per alium à se electum, possit se liberare à pœnis præcisè restrictis ad Prælatos; ex hoc enim ei negato non evaderet deterior subditis quoad communem favorem; imò probabilius est, nec commissam illis potestatem dispensandi cum subditis in his, quæ per sententiam specialiter latam ab homine incurruuntur; cùm hoc obster virtuti coactivæ, quam habet imponens

eiusmodi pœnas, quin communiter eam alijs committant.

Ad id, quod dicitur, neminem sibi subjici, quod tamen fieri deberet, si Superior secum ipso dispensare posset in aliquo. R. id fallere quoad actus jurisdictionis voluntariæ, ut præmissum est; nec universum procedere spectata natura rei; sed solum in certis casibus; in alijs autem solum dispositione juris. Deinde ad summum sequitur, quod Superior, & subditus, dans, & accipiens, in casu præsentis controversiae non possit esse idem realiter, & juridice; secus, idem realiter, sed non juridice. Nam Superior liberans communitatē aliquam, seu dispensans in aliqua lege, potest eo ipso etiam gaudere tali dispensatione, tanquam pars communitatē dispensatæ; & tamen in quantum dispensans, & dispensatus, est idem realiter, sed non juridice. Sic, cùm Episcopus in sua dioecesi dispensat cum communitate, ut non tenetur jejunare in peregrinatio S. Mathiae, incidente in feriam tertiam dierum antecinalium, & satisfaciat Sabbatho antecedente Dominicam Quinquagesimæ, licet non jejunet cum dicta communitate illâ feriâ tertîâ; quia in quantum pars communitatē dispensatæ non consideratur ut Superior communitatē.

## §. II.

An, & qualiter Superior loci dispensare posset cum vagis, & forensibus?

D E vagis communis tenet, eos posse dispensari ab eo loci Superiori, ubi actu sunt; quia, cùm non habeant certum domicilium, seu habitationem permanentem, vi cuius certo Superiori permanenter subditi sint, ratione transitus per locum aliquem, subjiciuntur Superiori loci, in quo transeunter sunt; ergo in quibus dispensare potest cum suis subditis, in ijs etiam dispensare poterit cum vagabundis; ita Sanchez l. 3. de matrim. D. 25. n. 5. Lessius l. 2. de Just. c. 40. D. 18. n. 121. Et ideo n. 582. tanquam probabilius tenuimus, vagos teneri etiam legibus municipalibus locorum, per quæ transeunt.

Difficultas est de forensibus, & peregrinis. Nam aliqui tenent, peregrinos, & forenses,